

**ევროპულ და ევროატლანტიკურ სტრუქტურებში ინტეგრაციის  
საკითხებში საქართველოს სახელმწიფო მინისტრის აპარატის მიერ  
სახელმწიფო შესყიდვების გამარტივებული შესყიდვის საშუალებით  
განხორციელების შესახებ**

1. „სახელმწიფო შესყიდვების შესახებ“ საქართველოს კანონის 10<sup>1</sup> მუხლის მე-3 პუნქტის „დ“ ქვეპუნქტის შესაბამისად, სახელმწიფოებრივი და საზოგადოებრივი მნიშვნელობის ღონისძიების შეზღუდულ ვადებში შეუფერხებლად ჩატარების მიზნით, ევროპულ და ევროატლანტიკურ სტრუქტურებში ინტეგრაციის საკითხებში საქართველოს სახელმწიფო მინისტრის აპარატმა 2016 წლის განმავლობაში ევროპის სხვადასხვა ქვეყნებსა და ამერიკის შეერთებულ შტატებში ქართული კულტურის პოპულარიზაციის მიზნით დაგეგმილი ღონისძიებების ფარგლებში, წიგნის – „საქართველოს ევროპული გზები“ პრეზენტაციების გამართვასთან დაკავშირებული მომსახურების სახელმწიფო შესყიდვა განხორციელოს გამარტივებული შესყიდვის საშუალებით, „საქართველოს 2016 წლის სახელმწიფო ბიუჯეტის შესახებ“ საქართველოს კანონით მისთვის განსაზღვრული ასიგნებების ფარგლებში.

2. „სახელმწიფო შესყიდვების შესახებ“ საქართველოს კანონის 21-ე მუხლის მე-4 პუნქტისა და „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სსიპ – სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული წესის მე-10 მუხლის მე-8 პუნქტის შესაბამისად, ამ განკარგულების

პირველი პუნქტით გათვალისწინებული მომსახურების შესყიდვასთან დაკავშირებით გასაფორმებელი ხელშეკრულებების მიმართ არ გავრცელდეს ამავე ბრძანებით დამტკიცებული წესის მე-10 მუხლის მე-2 პუნქტითა და მე-12 მუხლით დადგენილი მოთხოვნები.

**პრემიერ-მინისტრი**

**გიორგი კვირიკაშვილი**